


# Oz e igl Gi da la mar



# ZARCLADUR

text: Chattrina Josty, illustraziun: Yvonne Gianol,  
grafica: Theres Jörgler, fotografia: Jörgler-Staubs  
zambregida hat: Flurin Veraguth  
© Lia Rumantscha

**KIDSFITSCHE**  
Lia Rumantscha



Schweizerische Eidgenossenschaft  
Confédération suisse  
Confederazione Svizzera  
Confederaziun svizra



Uffiz federal da cultura UFC

# Igl Gi da la mar

Igl noss planet, la teara, vean ear numnada «igl planet blau». Vieu da lientsch, par exaimpel gio da la gliogna, e igl noss planet par grànda part blau – parve da la mar. Segl noss mund e duple surfatscha curvatada cun aua ca cun teara. La mar e enorm impurtànta par nus carstgàns a pigls animals. Parquegl sto la mar vagnir schurmageada. Par far atent a que fatg ân las Naziùns Unidas dezidieu da festivar igl Gi internaziunal da la mar. Mintg'on dat igl egn moto, igl vean fatg films ad organiso acziùns par c'igls carstgàns setgian amprender duple sur da la mar.

Tgenegn e igl ple grànd animal ca viva an la mar?

La balena blava e igl ple grànd animal da la mar ad igl ple grànd animal anzuma. Ella e 33 meters lùnga a pesa 160 tonas. Ella e peia aschi lùnga sco 3 autos da posta a pesa tàm sco 30 elefànts! Ad ella maglia enorm blear: mintga gi maglia ella miliùns crils (egna spezia da giomers pintgs) a displaschevlameing ear adigna duple rumient sco par exaimpel buteglias a satgs da plastic.



Tge sas tei da la mar? Qua egn peer amparadas cun raspоста:

Co vean igl sal an la mar? Scha tei es gea stada near sto egn'ea an la mar, sas tei ca l'aua gusta sco aua da spaghetti! Igl flems ca magnan l'aua an la mar vignan da las muntognas. Sen lur vieadi lavan els igl sal or da la crapa. Ascheia sarema egn massa sal a parquegl gusta l'aua da sal. Spezialmeing blear sal â'gl an la Mar Morta agl Israel, an la Jordania ad an la Zisjordania. Là san ign scher an dies sen l'aua a liger egn cudesch sainza sfundrar.

Es tei schon egn'eada sto/stada sper la mar?



Âs tei ple bugent rivas cun crapa near cun sablùn?



Co vean igl plastic an la mar?  
La grànda part digl plastic vean an  
la mar cugls flems. Mo ear da las  
gràndas bartgas vean igl rumient par  
part semplameing fiers an l'aua.  
Near ca la gliעד lascha anavos igl  
rumient a las rivas. Quegl e trest.  
Cunzund pigls animals. Els cren c'igl  
plastic segi anzatge da magliear  
a maglian igl rumient.



Noua e igl punct igl ple profund da  
la mar?  
Igl Foss da las Marianas agl Pazific  
vala sco punct igl ple profund da la  
mar. An que liac va'gl 11'934 meters  
an la profunditad. Sch'igl foss  
fuss egnà muntogna, fuss quella egn  
toc ple òlta c'igl Mount Everest,  
la muntogna la ple òlta digl mund.

Noua sanodas tei  
igl ple bugent?  
An la mar, an egn  
lai near agl bogn  
aviert?



Âs tei schon cato  
conciglias a  
la riva da la mar?

Tge animals  
âs tei vieu an  
la mar?




Co savessas tei  
schurmagear la  
mar?

# Puntanera

1

Tei dovras:

- 2 buteglias da PET
- anzaquànts romets
- 3 fearms pindels elastics
- corda
- pulpier
- fleters near calurs
- cola



Uffizi federal da cultura UFC


Schweizerische Eidgenossenschaft  
Confédération suisse  
Confederazione Svizzera  
Confederaziun svizra



text: Chattrina Josty, illustraziun: Yvonne Gienal,  
grafica: Theres Jörgler, fotografia: Jörgler-Stauss  
zambregida hat: Flurin Veraguth  
© Lia Rumantscha

**KIDSFITSCH**  
Lia Rumantscha

- 1 Remna egn peer romets par la puntanera. Iglis leia anzemel cun corda.
- 2 Prenda duas buteglias da PET vidas a tira suravei egn pindel elastic, par c'ellas tegnian anzemel.



1



3




- 3 Meta la puntanera da len sen las buteglias a tira ànc egn oter pindel elastic sur tut vei.
- 4 Ussa dovras tei ànc egn romet ampo ple lùng. Veda quel sas tei fixar egn pintga bandiera da pulpier. Co veza or la tia bandiera? La petga da bandiera sas tei farmar cun stumplar ella trànter dus romets da la puntanera a las buteglias da PET.

2



4





Scha tei laschas sanudar la tia  
puntanera sen egn lai near egn flem,  
fearma ella cun egn lùnga  
corda ca tei tegnas ainta màn.

